

# PROVÉRBIOS

## (Ucuxëgüchiga)

### Ucuxëgü i aixcuma tüxü mexü

**1** <sup>1</sup>Nhaa nixí i norü ucuxëgü ya Dawí nane ya Charumáu ya Iraéutanüxügüarü ãëxgacü ixícü. <sup>2</sup>Rü nüma rü norü duüxügüçax nanaxümatü i nhaa ucuxëgü nax namaxã nangüexëëãxüçax nax nhuxãcü tá nügü nangechaügüãcüma namaxëxüçax rü nhuxãcü tá nügümaxã namexëëgüaxüçax ega taxacürü guxchaxü nügüçax ínanguxëëgügu. <sup>3</sup>Rü nüma nanaxwaxe nax norü duüxügü rü mea naãxëxü yacuáxüçax nax ngëmaãcü Tupanapexewa yamexü rü mea duüxügüpexewa namaxëxüçax. <sup>4</sup>Rü nanaxwaxe nax ngëma tama ixuãëgüxü rü mea naãxëxü yacuáxüçax. Rü ngëma ngextüxügüxü i naechitamare maxëxü rü nüma nanaxwaxe nax ngëma cuax i aixcuma mexü nüxü ngëmaxü. <sup>5</sup>Rü ngëma aixcuma naãxëxü icuáxü rü tá naga naxínü i nhaa ucuxëgü nax ngëmaãcü yexeraxü i cuax nüxü ngëmaxüçax. <sup>6</sup>Rü ngëmaãcü tá nüxü nacuax i taxacüchiga yixixü i ngëma ucuxëgü rü ore i cuaxruügü i ngëma duüxügü i aixcuma nüxü icuaxüchixü

nüxü ixugüxü. <sup>7</sup>Rü texé tixí ya yíxema aixcuma cuax tüxü ngëmxaxe? Rü yíxema Tupanaga ínixe rü yíxema tixí ya aixcuma cuax tüxü ngëmxaxe. Notürü yíxema tama Tupanaga ínixe rü wüxi i ngeãxëmarexü tixí.

### Ucuxëgü i ngextüxügüçax ixixü

<sup>8</sup>Pa Chaunex jnaga naxínü i nhaa cunatiarü ucuxë! jRü tauxü i nüxü curüingümaxü i ngëma cué namaxã cuxü ngüxëxü! <sup>9</sup>Erü ngëma ucuxëgü rü wüxi i curü meruxü nixí nhama wüxi i cuchagü rüexna wüxi i curü ngaxcueruürüxü nixí. <sup>10</sup>Rü ngëxguma ngëma chixexüarü üruügü cuxü womüxëëgüchaügu jrü taxütama naga cuxínü, Pa Chaunex! <sup>11</sup>Erü nhanagürügü tá cuxü: “jNua naxü rü totanügu naxã! jRü ngíxã ítayacuxeügü nax yamaxgüxüçax rü nüxü ingíexüçax i ngexürüxü i ngëma üpetüxü! <sup>12</sup>Rü nüétama ega woo duüxügü i mexü yixígu rü tá tanadai. Rü nhama wüxi i duüxü i yuxü i waixümü ígaxürüxü tá namaxã tixígu. <sup>13</sup>Rü guxüma i mexügü rü tá tüxü nangexmagü rü tachiügü rü tá tayapaxëxë namaxã i ngëma naxçax

ingixgũxũ. <sup>14</sup>¡Rũ nua naxũ rũ totanũgu naxã! Rũ toma rũ cumaxã tá tangau i ngẽma naxçax ingixgũxũ”, nhanagũrũgũ tá. <sup>15</sup>¡Notũrũ taxũtãma namaxã cuxãmũcũ, Pa Chaunex! ¡Rũ paxa nũxna ixũgachi i ngẽma duũxũgũ i ngẽmaãcũ chixexũgu rũxĩnũexũ!

.....

**Ngẽma ucuxẽgũ rũ poracũ wũxi i  
mexũ tũxũ nixĩ**

**2** <sup>1</sup>Pa Chaunex ¡naga naxĩnũ i nhaa chorũ ucuxẽ! ¡Rũ cugũãẽgu namaxã nanguxũ! <sup>2</sup>¡Ëcũ irũxĩnũ i nhaa ore i cuax nawa iyaxuxũ! Rũ ngẽmawa tá cuax cuxũ nangexma. <sup>3</sup>Rũ ngẽxguma cuyumũxẽgu ¡rũ guxũ i curũ ngũchãũmaxã naxçax ínaca i ngẽma cuax nax aixcuma cuãẽxũ cucuãxũçax! <sup>4</sup>¡Rũ noxtacũma cugũ inaxã nax naxçax cudauxũ i ngẽma cuax nhama diẽru i irũtaxuxũçax cudauxũrũxũ! <sup>5</sup>Rũ ngẽxguma rũ tá nũxũ cucuax i Cori ya Tupanaxũ nax cungechãũxũ, rũ tá nũxũ icuyangau nax nhuxãcũ aixcuma Tupanaxũ cucuãxũ. <sup>6</sup>Erũ nũma ya Cori ya Tupana nixĩ i cuax tũxna naxãxũ, rũ naãxwa nixĩ i íyachoxũtanũcũũxũ i ngẽma cuax. <sup>7</sup>Rũ nũma ya Cori ya Tupana rũ tũxũ narũngũxẽẽ rũ tũxna nadau ya yĩxema aixcuma mea napexewa maxẽxe rũ taxuxũma i chixexũ ũgũxe. <sup>8</sup>Rũ tũxna nadau ya yĩxema mexũ i nacũmagu ãxe rũ tũxũ ãnapoxũ ya yĩxema aixcuma naga ãnũexe. <sup>9</sup>Rũ ngẽxguma naga cuxĩnũgu rũ tá nũxũ cucuax i ngẽma nacũma i aixcuma wexguxũ rũ tá naxçax cudau i ngẽma aixcuma mexũ. <sup>10</sup>Rũ tá mea cuãẽxũ cucuax rũ tá nũxũ cucuax nax

nhuxãcũ taãxẽ cuxna naxãxũ i ngẽma cuax. <sup>11</sup>Rũ ngẽma nax mea napexewa imaxẽxũ rũ taãxẽxũ icuãxũ rũ ngẽma nixĩ i guxũguma chixexũna tũxũ ípoxũxũ. <sup>12-15</sup>Rũ ngẽma mexũ i cuax rũ mexũ i ãnũ rũ tá cuxũ ãnapoxũ nax tama wũxi i nacũma i chixexũgu quixũxũçax, rũ tama naga cuxĩnũxũçax i ngẽma duũxũgũ i chixexũ i nũxũ rũxoxẽũ i nacũma i mexũ rũ chixexũ i nacũmaçax daugũxũ, rũ taãxẽãcũma chixexũ ũgũxũ rũ yaxũchigũgũxũ i ngẽma norũ chixexũ. <sup>16-17</sup>Rũ ngẽma cuax i Tupanawa ne ũxũxicatama tá nixĩ i cuxũ ípoxũxũ nũxna i ngẽma ngexũ i ngeãxẽxũ i natexũ ítãxũ rũ tama Tupanaarũ mugũga ãnũxũ rũ norũ dexamaxã chixexũwa cuxũ gachaũxũ. <sup>18</sup>Rũ ngẽma nama i ngẽma ngexũchiũwa daxũgu texẽ ixũxgu, rũ nhama yuwa taxũxũrũxũ tixĩ. <sup>19</sup>Rũ yĩxema ngẽma ngexũpatagu chocuxe rũ marũ chixexũgu tũgũ tayixẽxẽ, rũ tũxũ naguxcha nax wena mexũ i maxũçax tadaugũxũ. <sup>20</sup>Pa Chaunex ¡rũ ngẽma nama i mexũwa tũxũ gaxũgu ixũ! ¡Rũ nagu ixũ i ngẽma nacũmagũ i aixcuma Tupanapexewa mexũ! <sup>21</sup>Erũ yĩxema mea Tupanapexewa maxẽxe rũ tama chixexũ ũgũxe, rũ tá namãx i tũmaarũ maxũ nawa i nhaa naane i Tupana tũxna ãxũ. <sup>22</sup>Notũrũ ngẽma duũxũgũ i chixexũ i tama Tupanaga ãnũexũ rũ tá ãnawoxũ i nhaa Iraẽuanewa.

**Ucuxẽgũ i cuax tũxna ãxũ**

**3** <sup>1</sup>Pa Chaunex ¡tauxũ i nũxũ icuyarũngũmaxũ i chorũ ore i cuxũ changuxẽxũ! ¡Rũ mea cugũãẽgu namaxã nanguxũ i nhaa chorũ ucuxẽgũ!

<sup>2</sup>Rü ngêmaãcü tá namax i curü maxü rü aixcuma tá cutaãxê. <sup>3</sup>¡Rü tauxü i nüxü curüxoxü nax cumecümaxü rü quixaixcumaxü! ¡Rü nagu namaxü rü cugüãêgu namaxã nanguxü nhama wüxi i nachagü yigü nagu ixüechaxürüxü! <sup>4</sup>Rü ngêmaãcü ya Tupana rü duüxügü rü ta cumaxã nataãxê rü cuxü nicuaxüxügü. <sup>5</sup>¡Rü guxü i curü maxümaxã nagu yaxõ ya Cori ya Tupana! ¡Rü tauxü i cuxrütama cuaxgu curüxínüxü! <sup>6</sup>¡Rü guxüma i taxacü icuxüxüwa rü Tupanamexêgu naxü! Rü nüma rü tá cumaxã inacuax rü mea tá ínguxuchi i ngêma cuxüxü. <sup>7</sup>¡Rü tauxü i nagu cuyaxõxü i cuxrütama cuax! ¡Rü nüxna ixügachi i ngêma chixexü rü Tupanaga naxínü! <sup>8</sup>Rü ngêma nixí i üxüxü i aixcuma mexü nax cuporaxüçax. <sup>9</sup>¡Rü Tupanamaxã nangau i curü ngêmaxügü rü nüxna naxã i ngêma nüxíraxüxü i norü o i curü nanetügü i nüxna üxü! <sup>10</sup>Rü ngêxguma ngêmaãcü cunaxüxgux rü nüma rü tá nayamuxêxê i curü nanetügü nax napaãcugüxüçax i curü wíuchixügü rü ngêma curü chacugü rü tá naãcugümaxã narügáugü. <sup>11</sup>Pa Chaunex ¡tauxü i nüxü cuxoxü i ngêxguma Cori ya Tupana cuxü rüwexãchixêêgu! ¡Rü tauxü i cunuãmaxü ega ngêxguma cuxü naxucüxêgu! <sup>12</sup>Erü nüma ya Cori ya Tupana rü tüxü naxucüxê ya yíxema tüxü nangechaxüxe nhama wüxi ya papá ya nane ya nüxü nangechaücüxü naxucüxêxürüxü.

.....

<sup>27</sup>Rü ngêxguma texé curü ngüxêçax ícaxgu, rü tama name i tüxna cunachüxu ega cuxü nangexmagu i

ngêma cuxna naxçax taçaxü. <sup>28</sup>Rü tama name i moxüçax ícunaxüxüchi i ngêma ngüxêxê i nhüxmatama cuxü tauxchaxü nax cunaxüxü. <sup>29</sup>Rü tama name i nagu curüxínü i taxacürü chixexü tümamaxã cuxü ya yíxema cuxü yaxõgüxe. <sup>30</sup>¡Rü tauxü i naxçax cudauxü nax texémaxã cunuxü ega taxúema taxacürü chixexü cumaxã üxgux! <sup>31</sup>¡Rü tauxü i cuxü nangüchaüxü i nacüma i ngêma yatü i máxwaxexü rü tauxü i nüxü cuyadauxüxü! <sup>32</sup>Erü nüma ya Cori ya Tupana rü nüxü naxo i ngêma chixexü ügüxü, notürü tüxü nanatauxchaxêxê nax namaxã taxãmücüxü ya yíxema mexügu rüxínüexe. <sup>33</sup>Rü nüma ya Cori ya Tupana rü chixexü napatacüãxmaxã naxuegu i ngêma chixexü i duüxü, notürü mexü tümapatacüãxmaxã naxuegu ya yíxema napexewa mexe. <sup>34</sup>Rü nüma ya Cori rü nüxü nacugü i ngêma cugüwaxegüxü, notürü tümamaxã namecüma ya yíxema mecümagüxe ya tama tügü icuaxüügüxe. <sup>35</sup>Erü nüma ya Tupana rü tümamaxã nataãxê ya yíxema mexügu rüxínüexe, notürü nüxü naxo i ngêma tama naga ínüechaüxü.

.....

#### Ucuxêgü nax mexü i nacümagu ixüçax

**4** <sup>18</sup>Rü ngêma mexü i duüxügücüma rü nhama ngexwacax yangunegurüxü nixí nax nangóxü rü ngêmaãcü yexera ningóchigü nhüxmata nangóonexüchi. <sup>19</sup>Notürü ngêma nacüma i ngêma duüxügü i chixri maxêxü nagu íxü, rü nhama éanexürüxü nixí. Rü ngêmacax tama nüxü nadaugü

nax taxacürü ãücümaxũ napexewa ngêxmaxũ. <sup>20</sup>Pa Chaunex ;naga naxĩnũ i nhaa chorü ore i cumaxã nüxũ chixuxũ rü nagu namaxũ! <sup>21</sup>;Rü tauxũ i nüxũ cuyarüngümaxũ! ;Rü mea cugüãegu namaxã nanguxũ! <sup>22</sup>Erü ngêma chorü ore rü aixcuma maxũ tüxna naxã ya guxãma ya yíxema naga ñnüexe. Rü tümaxũneçax rü nhama wüxi i üxüxürüxũ nixĩ. <sup>23</sup>Rü nhama i naanewa rü ngêma guxũarü yexera nüxna cudauxũ tá nixĩ i curü ñnü, erü ngêma curü ñnü nixĩ i maxũwaama cuxũ gaxũ. <sup>24</sup>;Rü cugüna nadau nax tama doraxũ quixuxũçax rüexna texéxũ cuwomüxêxũçax!

.....

**Ucuxê nax tama nai i ngemaxã taxünearü ngüchaũgu ingúxũçax**

**5** <sup>1</sup>Pa Chaunex ;choxũ irüxĩnũ i nhaa ucuxê i cumaxã nüxũ chixuxũ! Erü chama rü nüxũ chacuax nax tüxcüũ cumaxã nüxũ chixuxũ. <sup>2</sup>Rü ngêmaãcü tá cuxuãê rü nüxũ cucuããcüma tá quidexa. <sup>3</sup>Rü ngêma ngexũ i ngeãxêxũ rü mexechixũ i dexamaxã nidexa erü nüxũ nacuaxüchi nax nhuxãcü tüxũ íyapuxêxũ. <sup>4</sup>Notürü ngêxguma naga cuxĩnũgu rü yixcama rü poraãcü tá cuxũ nangux nhama wüxi i tara i taxrectiwawa téxũgu cungxüürüxũ. <sup>5</sup>Rü ngêma ngexũ i ngeãxêxũga nax cuxĩnüxũ rü yuwa nixĩ i cuxũ nagaxũ, rü ngêmaãcü tá nawa cingu i ngêma poxcu i tagutãma gúxũ.

.....

<sup>8</sup>;Rü nüxna ixügachi i ngêma ngexũ, rü bai i íxrarüwa nachĩüna cungaicamaxũ!

.....

<sup>18</sup>Rü name nixĩ i taãxêãcü ngĩmaxã cumaxũ i ngêma cuxmaxüchi. Rü wüxi i taãxê nixĩ i ngêma pexacügü i ngĩmaxã cuxũ ngêxmaxũ. <sup>19</sup>Rü name nixĩ i ngĩrü meãxêmaxã cutaãxê. ;Rü ngêma curü ngüchaũ rü ngĩmaxãxicatama naxü!

<sup>20</sup>Pa Chaunex ;Rü tüxcüũ namaxã cumaxũ i wüxi i ngexũ i ngeãxêxũ? ;Rü tüxcüũ nüxna cunapax i wüxi i ngexũ i tama cuxmax ixĩxũ? <sup>21</sup>Rü nüma ya Cori ya Tupana rü cuxũ ínadawenü rü meama nüxũ nadau i ngêma cuxüxũ. <sup>22</sup>Rü ngêma norü chixexũ inaxüxüçagu tá napoxcu i ngêma duüxũ i chixexũ üxũ. Rü ngêma norü chixexütama nixĩ i yanáixũ nhama wüxi i naxpaxnaxãmaxã yanáixürüxũ. <sup>23</sup>Rü ngêma tama ucuxê i mexũ nax naxĩnüchaũxüçagu rü tá yuwa naxũ. Rü ngêma nax nangeãxêmarexüçagu rü tá inayarütaxu.

.....

**Ngêma cuax i mexũ rü ngêma ngeãxê rü tama namaxã nawüxigu**

**9** <sup>8</sup>Rü ngêxguma cunaxucuxêgu i ngêma tama ucuxê irüxĩnüchaũxũ rü tá cumaxã nanuama. Notürü ngêxguma cunaxucuxêgu i ngêma naãxêxũ cuáxü rü tá cumaxã nataãxê. <sup>9</sup>Rü ngêxguma cunanguxêëgu i ngêma duüxũ i cuax nüxũ ngêxmaxũ, rü yexeraãcü tá nüxũ nacuax. Rü ngêxguma cunanguxêëgu i wüxi i duüxũ i mecümaxũ rü tá yexeraãcü cuaxwa nangu. <sup>10</sup>Rü yíxema cuax tüxũ ngêxmaxe rü Tupanaga taxĩnü. Rü ngêma Tupanaga nax taxĩnüxüwa nüxũ tacuax nax aixcuma tümaãxêxũ tacuáxũ.

.....

<sup>13</sup>Rü ngêma ngexũ i ngeãxẽmarexũ rü naxoregütaax rü nidexaechamare. Rü tama naãxẽxũ nacuax, rü tama naxãne ega taxacürü chixexũ naxũxgu. <sup>14</sup>Rü napataãxwa narüto i ngextá guxũma i duũxũgü nüxũ ídauxũwa. <sup>15</sup>Rü tümacax naca ya yíxema ngêma chopetuxe, rü nhanagürü: <sup>16-17</sup>“Pa Ngextũxücügü i Tauxta Ngeãẽxũ Cuaxgũxũx jrü ngĩã chauchiũwa taxí! Rü ngêma dexá i naxçax ingĩxũ rü narüchĩxmae rü ngêma poĩ i cúãcü ingóxũ rü nachĩx”, nhanagürü tüxũ ya yíxema tama ixuãẽgũxe. <sup>18</sup>Notürü i tümagü rü tama nüxũ tacuaxgü nax yuwa taxĩxũ ga guxema tüxna naxugũxe. ....

**Nacüma i mexũchiga rü  
nacüma i chixexũchiga**

**12** <sup>16</sup>Rü wüxi i duũxũ i tama naãxẽxũ cuáxũ rü nanuãchiwaxe. Notürü ngêma duũxũ i naãxẽxũ cuáxũ rü nüxũ nanataxuraxũmare ega woo texé nangaxgu. <sup>17</sup>Rü yimá yatü ya ixaixcumacü rü ore i aixcumaxũ nixu. Notürü ngêma duũxũ i dorataxáxũ rü doraxũ nixu. <sup>18</sup>Rü nangexma i duũxũ i norü dexamaxã tüxũ chixexẽẽxũ, notürü ngêma duũxũ i aixcuma nüxũ cuáxũ rü norü dexamaxã tüxũ nataãxẽxẽxẽ. ....

<sup>22</sup>Rü nüma ya Cori ya Tupana rü nüxũ nawaxtümüxũ i ngêma idorataaxgũxũ. Notürü tümamaxã nataãxẽ ya yíxema aixcumaxũ ixugũxe. ....

<sup>25</sup>Rü ngêma jxãchiãxẽ rü yatüxũ narümaxãchixẽxẽ. Notürü ngêma ore i mexũ rü nanataãxẽxẽxẽ. ....

<sup>28</sup>Rü ngêma mexũ i nacümagü rü maxũwa tüxũ naga. Notürü ngêma chixexũ i nacümagü rü yuwa tüxũ naga.

**Ngêma nüxũ cuáxũarü  
ucuxẽ rü name**

**13** <sup>1</sup>Rü wüxi i nane i naãxẽxũ cuáxũ rü mea nanatüarü ucuxẽ nayaxu. Notürü ngêma tama ixĩnũchaũxũ rü nüxũ naxo i ngêma ucuxẽ i mexũ. ....

<sup>18</sup>Rü texé ya nüxũ oxé i ucuxẽ i mexũ rü tagutáma cuaxwa tangu rü duũxũgü rü chixri tá tümachiga nidexagü rü tangearü ngẽmaxũãx. Notürü yíxema naga ñnüxe i ucuxẽ i mexũ rü duũxũgü rü tá mea tümachiga nidexagü. <sup>19</sup>Rü ngẽxguma texé taxacü tüxũ ngũchaũgu rü tanayaxuxgu i ngêma nagu tarüxĩnũxũ, rü tüxũ rü wüxi i taãxẽ nixĩ. Notürü ngêma duũxũgü i naechitamare maxẽxũ rü taxucürüwa nüxna nixĩgachi i ngêma chixexũ i naxũgũxũ. <sup>20</sup>Rü ngẽxguma duũxũgü i nüxũ cuáxũmaxã cuxãmücügu rü naxütawa tá cunayaxu i cuax. Notürü ngẽxguma ngêma duũxũgü i naechitamare maxẽxũmaxã cuxãmücügu rü naxrũxũ tá icyarütaxu. ....

<sup>24</sup>Rü texé ya tama tümanexũ ucuxẽxe rü tama nüxũ tangecháũ. Notürü yíxema nüxũ ngechaxũxe rü tayanawexãchixẽxẽ. <sup>25</sup>Rü yimá yatü ya aixcuma mexũgu rüxĩnücü rü guxũguma nüxũ nangexma i taxacü nax nangóxũ. Notürü ngêma duũxũ i chixexũgu rüxĩnũxũ rü nüxũ nataxu i norü õna. ....

**Duúxũgũ i naãxêxũ icuáxũ rũ  
duúxũgũ i naechitamare maxêxũ**

**15** <sup>1</sup>Rũ ngêma ngãxũga i memarexũ rũ nu inarũxoxêxê. Notürũ ngêma ngãxũga i nuãcü ixĩxũ rũ nanayexeraxêxê i ngêma nu. <sup>2</sup>Rũ ngêma duúxũgũ i naãxêxũ icuáxũãxwa rũ ínaaxũxũ i mexũ i ore i cuax nawa iyaxuxũ. Notürũ ngêma duúxũgũ i naechitamare maxêxũãxwa rũ ínaaxũxũ i dexa i chixexũ. <sup>3</sup>Rũ nũma ya Cori ya Tupana rũ guxãxũma nadau erũ guxũwama nangexma rũ tũxũ nangugũ ya yíxema mea maxêxe rũ nanangugũ ta i ngêma chixri maxêxũ.

.....

<sup>8</sup>Rũ nũma ya Cori ya Tupana rũ tama nanayaxu i norũ ãmare i ngêma duúxũgũ i chixexũ ügũxũ. Notürũ taãxêãcü nanayaxu i tũmaarũ yumüxê ya yíxema aixcuma mea maxêxe. <sup>9</sup>Rũ nũma ya Cori ya Tupana rũ tama nacũmamaxã nataãxê i ngêma duúxũgũ i chixexũ ügũxũ, notürũ tũxũ nangechaũ ya yíxema mea napexewa maxũxê. <sup>10</sup>Rũ yíxema nũxũ rũxoxe nax nagu tixũxũ i ngêma mexũ i nacũma rũ Tupana rũ poraãcü tá tũxũ inayarũwexãchixêxê. Rũ yíxema tama nayaxúxe i ucuxê i mexũ rũ tá tayu.

.....

<sup>16</sup>Ngêma muarũ ngêmaxũãxgũxũ rũ guxchaxũgu ínamaxũ naxcax i norũ ngêmaxũgũ. Rũ ngêmacax i yixema rũ narũmemae i namaxã tataãxê i ngêma noxre i tórũ ngêmaxũgũ i tũxũ ngêxmaxũ rũ Tupanaga taxĩnũe.

.....

<sup>29</sup>Rũ nũma ya Cori ya Tupana rũ nũxna nixũgachi i ngêma chixexũ ügũxũ.

Notürũ tũxũ nũxũ naxĩnũ i tũmaarũ yumüxê ya yíxema aixcuma mexũ ügũxe.

.....

**Tupanaarũ ínũ rũ yatũgũarũ  
ínũétũwa nangexma**

**16** <sup>1</sup>Rũ wũxichigũ ya yatũ rũ nagu narũxĩnũ nax taxacũ narũxchaũxũ, notürũ Tupana nixĩ ya nũxũ cuácũ nax nhuxãcü tá ínanguxuchixũ i ngêma yatũ nagu rũxĩnũxũ. <sup>2</sup>Rũ wũxichigũ ya yatũ rũ naxcax name i guxũma i ngêma naxũxũ, notürũ Cori ya Tupana nixĩ ya nangugũcü i ngêma norũ ínũgũ ya yimá yatũ. <sup>3</sup>Rũ ngêma cuxũxchaũxũ jrũ Cori ya Tupanamexêgu naxú! Rũ ngêmaãcü i ngêma nagu curũxĩnũxũ rũ tá mea cuxũ ínanguxuchi.

.....

<sup>9</sup>Rũ name nixĩ i meama nagu tarũxĩnũe i taxacũ tá taxũ. Rũ nhuxũchi tanaxwaxe i Tupanamexêgu tanaxú nax nũma namaxã inacuáxũcax.

.....

<sup>18</sup>Rũ ngêma nax yigũ icuaxũügũxũgagu rũ guxchaxũgu tayi. Rũ ngêma nax inuexũgagu rũ chixexũgu tayi. <sup>19</sup>Rũ tama name nax ngêma diêruãxgũxũ i nügũ icuaxũügũxũrũxũ yigũ tixĩgũxêxê. Rũ narũmemae nixĩ i ngêma ngearũ diêruãxgũxũ i tama nügũ icuaxũügũxũrũxũ yigũ tixĩgũxêxê. <sup>20</sup>Rũ Tupana tũxũ narũngũxêxê ya yíxema naga ínũexe. Rũ nataãxê ya yimá yatũ ya Cori ya Tupanagu yaxöcü.

.....

<sup>25</sup>Rũ nangexma i nacũmagũ i duúxũgũcax mexũ, notürũ ngêma nacũmagũarũ guxwa rũ yu nixĩ.

.....

<sup>33</sup>Rü nüma ya yatü rü nümatama nagu naxĩnũxũãcũma nanaxü i ngẽma naxũxchaũxũ. Notürü ngẽma Cori ya Tupana naxwaxexũãcũ tá nixĩ i íngaxuchixũ i guxũma.

**Ĩnügü i Tupanapexewa  
mea iwéxũ**

**17** <sup>1</sup>Rü taxuwama name i guxũ i ngunexũgu taxũ i õna nangõxgũxũ ega nueãcũma nügũmaxã namaxẽgu i ngẽma duũxũgũ. Rü narũmema nixĩ i nügü nangechaũgũãcũma íxraxũ i õna nügũmaxã nangõxgũ.

.....

<sup>5</sup>Rü texé ya yíxema ngearü diëruáxexũ cugúxe, rü Tupana ya tüxũ ngoxẽcũpexewa chixexũ taxũ. Rü yíxema taãxẽxe ega ngẽxguma guxchaxũ tüxũ üpetügu ya yíxema ngearü diëruáxe, rü tá tapoxcu.

.....

<sup>9</sup>Rü ngẽxguma texé tümamücũaxũ nüxũ rüngũmagu i ngẽma guxchaxũ i naxũxũ, rü nüxũ tangechaũ. Notürü texé ya nagu rüxĩnũechaxe i ngẽma chixexũ i togü tümamaxã üxũ rü aigu tarũxĩnũ, rü tümamücũgũ tüxna tá nixĩgachixẽxẽ.

.....

<sup>17</sup>Rü ngẽma aixcuma tamücü ixĩxũ, rü guxũguma tüxũ nangechaũ. Rü ngẽxguma guxchaxũ taxçax ínguxgu rü nhama wüxi i taenexẽxũchirũxũ nixĩ.

.....

<sup>27</sup>Rü yíxema cuax tüxũ ngẽxmaxe rü nanoxre i tümäärü dexa. Rü yíxema tümããxũ cuáxe rü tangeãxmare rü yaxna tümamücũmaxã taxĩnũ.

.....

**18** <sup>8</sup>Rü ngẽma oregütax rü nhama wüxi i maixcuraxũrũxũ nixĩ, rü taxchãcũ duũxũgũarü maxũwa nixücu.

.....

<sup>21</sup>Rü yimá tórü conü nüxũ ixuxũ i oregagu nixĩ nax imaxẽxũ rüexna iyuxũ. Rü yíxema idexaxũchixe rü tümäärü oregagu ngúxũ tinge. <sup>22</sup>Rü ngẽma nax wüxi ya ngecü icuyangauxũ cuxmaxruxũ rü ngẽma rü guxũarü yexera rümemaexũ nixĩ i nüxũ cuyangauxũ. Rü ngẽmawa nüxũ cucuax nax Tupana cuxũ rüngũxẽxũ.

.....

**19** <sup>11</sup>Rü wüxi i duũxũ i naãxẽxũ cuáxũ rü yaxna namaxã naxĩnũ ega texé namaxã nuxgu. Rü norü meruxũ nixĩ nax nüxũ iyanangũmaxũ i ngẽma guxchaxũ.

.....

<sup>14</sup>Rü tórü papá rü tórü mamáxũtawa tanayaxu ya ípata rü ngẽmaxũgũ, notürü Tupanaxũtawa ngĩxũ tayaxu i taxmax i aixcuma ngĩãxẽxũ cuaxcũ.

.....

<sup>18</sup>Rü nüxna nachogü ya cune nhamarüta cuxũ natauxcha nax cunawexãchixẽxũ! Notürü ngẽma nax cuyanawexãchixẽxũ rü tama name nax cuyamaxũchixũ.

.....

**Ngẽma ngúxũ i nacuchixü rü  
duũxũgũxũ nanuexẽxẽ**

**20** <sup>1</sup>Rü ngẽma ngúxũ i nacuchixü rü duũxũgũxũ nuxica naxuegaxẽxẽ. Rü ngẽma ngúxũ i axchiügü rü duũxũgũxũ nanuexẽxẽ. Rü

ngëxguma nangãxegu rü taxúema  
túmaãxũ tacuáácüma tidexa.

.....

<sup>3</sup>Rü wüxi ya yatü ya naãxëxũ cuácü rü  
tama nachoxũgawaxe. Notürü ngëma yatü  
i tama naãxëxũ cuáxũ rü nucax nadau.

.....

<sup>9</sup>Rü taxucürüwa texé tügü tixu rü  
nhatarügü: “Chorü maxũ rü name rü  
changearü pecáduãx”, nhatarügü.

.....

<sup>19</sup>Rü ngëma oregütaxáxũ rü tama  
nüxũ nacuax nax namaxã nanguxũxũ i  
ngëma ore i tama guxãcax ixixũ. Rü  
ngëmacax tama name i namaxã  
cuxãmücü i ngëma oregütaxáxũ.

.....

<sup>24</sup>Rü nüma ya Cori ya Tupana nixĩ i  
tamaxã inacuáxũ. Rü taxúema nüxũ  
tacuax nax taxacü tá tüxũ ngupetüxũ.

.....

**Tupanapexewa rü nawüxigu i  
ngëma diëruáxũ rü ngëma  
ngearü diëruáxũ**

**22** <sup>2</sup>Rü ngëma muarü diëruáxũ rü  
ngëma ngearü diëruáxũ rü  
nawüxigu i Cori ya Tupanapexewa erü  
ngëma taxre rü nüma nanaxü.

.....

<sup>5</sup>Rü ngëma nama i ngëma duüxũgü i  
chixri maxëxũ nagu íxü rü äücümáxũmaxã  
nanapá. Notürü ya yíxema túmaarü  
maxĩna dáuxe rü tama ngëmagu tangu.  
<sup>6</sup><sub>1</sub>Rü nabuxgutama mexü i nacüma  
nanguxëxë ya bucü, rü ngëxguma nayaxgu  
rü tagutáma nüxũ inarüngüma!

.....

<sup>9</sup>Rü yimá yatü ya mecümacü rü  
Tupana rü mexũ tá namaxã naxuegu erü

yíxema ngearü diëruáxgüxemaxã  
nangau i norü ðna. <sup>10</sup>Rü ngëxguma  
noxtacüma cuyamugachigu i ngëma  
tama ixinüchaũxũ, rü marü nataxutáma  
i nu i duüxũgütanüwa, rü tá inayarüxo  
nax nügüna nangaexũ rü nügümaxã  
naguxchigagüxũ. <sup>11</sup>Rü nüma ya äëxgacü  
rü tümamaxã nataãxë ya yíxema  
ixaixcumagüxe. Rü tümamaxã  
naxãmücü ya yíxema mexü i oremaxã  
idexagüxe. <sup>12</sup>Rü nüma ya Cori ya  
Tupana rü nüxna nadau i ngëma duüxũ  
i naãxëxũ icuáxũ notürü inayanaxoxëxë  
i ngëma idorataxáxũ nüxũ ixuxü i ore.  
.....

<sup>22-23</sup>Rü tama name i chixri namaxã  
icucuax i ngëma ngearü diëruáxũ i  
taxucürüwa nügüétüwa idexaxũ. Rü  
tama name i äëxgacüxütawa ícunaxuaxũ  
i ngëma tama nüxũ cuáxũ nax  
nügüétüwa yadexaxũ. Erü nüma ya Cori  
ya Tupana rü norü poxũruxũ nixĩ rü tá  
cuxũ napoxcu. <sup>24-25</sup><sub>1</sub>Rü tauxũ i namaxã  
cuxãmücüxũ i ngëma duüxũgü i  
nuewaxëxũ rü chixecümaxü! Erü  
ngürüächi tá nacümacax cudadütae rü  
ngëmaäcü äücümáxüwa tá cugü  
cungexmaxëxë.  
.....

**Tama name i texé  
tügütama ticuaxüxũ**

**27** <sup>1</sup><sub>1</sub>Rü tauxũ i cugü quicuaxüxũ  
naxcax i ngëma moxü  
cuxüxchaũxũ! Erü tama nüxũ cucuax i  
taxacü tá cuxü ngupetüxũ i moxüarü  
ngunexügu. <sup>2</sup>Rü tama name i cugütama  
quicuaxüxũ. Rü narümemaie i togü cuxü  
nicuaxüxũgü.  
.....



<sup>15</sup>Rü ngêma ngexũ i nuxwaxexũ rü oregütaxáxũ rü nhama wexweanexũ i tama íyachaxächixũrũxũ nixĩ nax tama ínayachaxächixũ i norü dexawa. <sup>16</sup>Rü taxucürüwa nüxũ nüxũ tarüxoxêxê i nacüma i chixexũ, erü nhama buanecü ya taxucürüwa íyachaxächixêécürüxũ nixĩ. Rü nhama chíxũ i ächixüxũ i taxucürüwama taxmexwa ingexmaxêëxürüxũ nixĩ.

.....

### Mexũ tayaxu ega mea imaxêgu

**28** <sup>1</sup>Rü ngêma chixexũ üxũ rü ninha ega woo taxúema nawe ngêchigügu. Notürü ngêma aixcuma mexũ rü nhama wüxi i airüxũ taxucaxma namuũ. <sup>2</sup>Rü ngêxguma wüxi i nachixũanearü äëxgacü chixri norü duũxüügümaxã icuaxgu, rü ngêma norü duũxüügü rü nanue. Rü ngêmacax ngêma norü äëxgacüxü ínatäxüchigü rü toguexũ naxunetagü. Notürü ngêma äëxgacü i aixcuma mexũ i mea norü duũxüügümaxã icuáxũ rü norü duũxüügü rü namaxã nataãxêgü.

.....

<sup>9</sup>Rü yíxema tama naga ínüchaxüxe i Tupanaarü mugü, rü nüma ya Tupana rü taxütáma tüxũ nüxũ naxĩnũ i túmaarü yumüxê. <sup>10</sup>Rü ngêma duũxũ i chixexüwa tüxũ gagüxũ ya yíxema mexügu rüxĩnüxe, rü norü guxchaxügu tátama nangu. Notürü ngêma yatügü i Tupanapexewa mea rümaxüãxgüxũ, rü mexũ tá nayauxgü.

.....

<sup>13</sup>Rü ngêma duũxũ i norü pecádu icüxũ rü taxütáma mexũ nüxũ naxüpetü. Notürü ngêma duũxũ i nüxũ ixuxũ i

norü pecádu rü nüxũ rüxoxũ, rü Tupana rü tá nüxũ nüxũ inayarüngüma.

.....

<sup>23</sup>Rü ngêma duũxũ i tüxũ icuaxüüxüarü yexera mexũ tamaxã naxü i ngêma duũxũ i tüxũ ixuxũ ega nüxcüra mea nagu rüxĩnügü.

.....

### Nataãxê i ngêma duũxügu i Tupanaarü mugügu imaxêxü

**29** <sup>1</sup>Rü yíxema tama nayaxúxe i ucuxê rü paxa tá chixexügu tangu rü marü tataxutáma nax texê tüxü rüingüxêëxũ.

.....

<sup>18</sup>Rü ngextã duũxüügü tama Tupanaga ínaxĩnüexüwa rü taxuxüma mea inixü. Notürü ngêma duũxüügü i aixcuma Tupanaga ínüexũ rü nataãxêgü.

.....

<sup>25</sup>Rü ngêma nax yatügügamare ixĩnüexũ rü wüxi i äücümaxũ nixĩ. Notürü ngêma nax Tupanaga ixĩnüexũ rü ngêmawaxi nixĩ i aixcuma mexũ.

.....

### Agúruarü ucuxêgü

**30** <sup>1</sup>Rü nüma ga Agúru rü Yáque ga Machácüãx nane nixĩ. Rü nhaa nixĩ ga Agúruarü ore ga Itiéxmaxã rü Ucámaxã nüxũ yaxuxũ. <sup>2</sup>Rü norü orewa rü nhanagürü: “Rü chama rü taxuxüma chacuax natanüwa i nhaa duũxüügü. Rü chawa rü nataxuma i duũxügiarü cuax. <sup>3</sup>Rü ngêxguma tama nüxũ chacuaxgu i ngêma duũxügiarü cuax çrü nhuxäcü tá nüxũ chacuax nax nhuxäcü yixüxũ ya Tupana ya üünecü? <sup>4</sup>Rü texê tixĩ ya yíxema marü dauxüguxũ i naanegu

ĩnagũxe rũ ngẽma írũxĩxe? ¿Rũ texé tũgũmexẽgu tayayauxema ya buanecũ?  
 ¿Rũ texé tũmachirugu  
 tananuquepũũchixũ i taxũ i taxtũ? ¿Rũ texé tanaxũ ga nhama ga naane, rũ nũxũ tixu nax ngexta yacuáxũ? ¿Rũ tama ěxna Tupana yixĩxũ ga naxũcũ? Rũ ngẽxguma nangexmagu i to ¿rũ taxacu yixĩxũ i naéga rũ naneéga ega nũxũ cucuaxgu? <sup>5</sup>Rũ nũma ya Cori ya Tupana rũ tũxũ ínapoxũ ya yĩxemagũ nagu yaxõgũxe. Rũ guxũma i norũ uneta i tamaxã nũxũ yaxuxũ rũ aixcuma nixĩ rũ name nax yaxõxũ. <sup>6</sup>Rũ tama name i cunaxũétũ i ngẽma Tupanaarũ ore i nũxũ yaxuxũ. Erũ ngẽxguma cunayexeraguxẽxẽ rũ nũma rũ tá cuxũ nanga rũ ngẽmaãcũ tá dorataxáxũ cuxũ nixĩxẽxẽ. <sup>7</sup>Pa Tupanax, rũ taxre i ngũĩxẽxicatama nixĩ i cuxna naxçax chacaxũ. ¿Rũ choxna naxã i ngẽma taxre naxũpa nax chayuxũ! <sup>8</sup>¿Rũ choxũ rũngũxẽxẽ nax tagutãma chidoraxũçax rũ tama texéxũ chawomũxẽxũçax! Rũ tama chanaxwaxe nax chamuarũ diẽruáxũ rũexna changearũ diẽruáxũ. ¿Rũ ěcũ choxna naxã i ngẽma nagu mexũ nax choxũ nangexmaxũçax i wũxichigũ i ngunexũarũ õna! <sup>9</sup>Erũ ngẽxguma chi chamuarũ diẽruãxgu rũ íyaxũxgu rũ ngũrũãchi ngẽmagagu chi cuxũ icharũngũma. Rũ ngẽxguma chi changearũ diẽruãxgu rũ ngũrũãchi changĩx rũ ngẽmagagu chi chixri cuchiga nidexagũ i duũxũgũ”, nhanagũrũ.

.....

**Ngĩxũ nicuaxũxũ i ngẽma nge i mecũ**

**31** <sup>10</sup>Rũ tama natauxcha nax ngĩxũ iyariũgauxũ i wũxi i nge i aixcuma ngĩaxẽxũ cuaxcũ. Rũ ngĩma rũ nhama nutagũ ya ngaxãẽruũarũ yexera iyixĩ nax namexechixũ. <sup>11</sup>Rũ ngĩte rũ aixcumama ngĩxũ nayaxõ. Rũ ngĩma rũ nũxũ irũngũxẽẽ nax ngẽmaãcũ taxuxũma nũxũ taxuxũçax. <sup>12</sup>Rũ ngĩma rũ guxũ i ngunexũgu nax namaxũxũ ya ngĩte rũ inataãxẽxẽ.

.....

<sup>20</sup>Rũ ngĩma rũ guxũguma taxacu tũxna ixã ya yĩxema ingearũ diẽruãxgũxe rũ yĩxema taxacu tũxũ taxúxe.

.....

<sup>25</sup>Rũ ngĩma rũ wũxi i nge i poraãẽcũ rũ mecũ iyixĩ, rũ tama naxçax ixoegaãxẽ i moxũarũ ngunexũ.

.....

<sup>28</sup>Rũ ngẽma ngĩxaciũgũ rũ ngĩte rũ ngĩxũ nicuaxũxũgũ rũ nhanagũrũgũ:  
<sup>29</sup>“Rũ imuxũchi i nge i mecũmacũ, notũrũ i cumax rũ guxcũma i ngecũgũ curũmecũmamae”, nhanagũrũgũ. <sup>30</sup>Rũ ngẽma ngĩrũ pa i wũxi i nge rũ paxaãchimare nixĩ rũ ngẽma ngĩrũ mechametũ rũ ta ningupetũchigũ. Notũrũ ngẽma nge i Tupanaga ínũcũ rũ name nax ngĩxũ icuaxũũgũxũ.

.....